

壹

齋

集

壹齋集卷五

當塗 黃鉞 左田

古今體詩五十七首

乙巳  
丙午

題畫

此君小異誰相顧只有亭亭石丈知莫遣春風芳草沒須來伴  
我歲寒時

說何容易米於菟墨法應須入有無昨日雨中江上過雲山元  
不太模糊

枯藤沒骨龍筋瘦幼竹雙鉤鳳尾多別爲槎枒標一格辦香偶  
爾奉鷗波

碧嶂丹崖不可梯蒼松多與白雲齊此間幽絕和誰說除是青  
谿與石谿

立春日題墨勺藥

茶浪溶溶甌面生墨雲冉冉筆頭輕  
居人猶擁看春去獨寫將離送臘行

晚泊九江廬山殊青青也詰旦視之忽成雪山

我去廬山不戴帽我來廬山不繫腰  
但見青青不知幾千尺照耀上下百里潯陽潮  
忽然怪事生中宵昨朝濃蛾翠黛描今者妝鏡粉未銷  
爛銀琢玉攬重霄淨琉璃射千丈標篷窗晨起銀海搖  
柔風嫩日春晴嬌峨眉之峯不可見觀此亦足仿佛其  
嶢曉乃知向者積雪蓋爲濛氣之所掩有如白玉屏  
冒青絲綃烟霏霏兮雲飄飄山中人兮不可招  
庵廬何日成團蕉放才使我賡長謠一任過客盡作  
嗣宗眼朝青莫白相遮邀我只赤腳梯瓊瑤何爲局  
縮理此吳船橈

江行遇風紀事

黃天四際垂大江中忽凸風聲叫餓鴟水力勁于鐵船材一指  
厚爭敵萬堆雪此身屬波臣死耳無可說但喜平生心憂患一  
時絕

舵工忽揚言三山夾可矴篙師皆健兒勇與身手稱風利洲復  
灣撇捩終不應下風强支吾傾側那能定去岸半里遙欲走足  
無脛此時死與生不知誰戰勝

飄風莫不休狂浪大且惡欲乘一息懈偷入夾裏泊那知纜一  
縱篙艣盡高閣咳唾失三山免起鶻復落者番真無歸相對惟  
咋愕

吾兄蹶然興我友亦繼起

葉山同舟歸

走向舵樓中力與舵牙抵嗟

予弱不支徒怖亦無理人三乃成眾船作奔馬駛須臾黑中

覽見荻舫艤卸帆急拋貓餘勢猶未已不知距蕪湖尙有幾多  
里平明起視之城郭對面耳入門述再生妻孥大歡喜

自武昌歸卽之京師與家人別

我生何不辰五歲卽孤露衰經甫離身十歲又失怙哀號無所  
依出入隨乳媼阿兄年十七阿嫂時新娶阿姊方及笄已將嫁  
衣作臧故切古屋數十間熒熒四兒住中堂停一棺陰慘生恐怖

狐狸復欺人夜夜屋頭踞閭戶隱有聲團坐默無語移鐙各偷  
眠堅臥擁衾絮那知妖由人明年嫂物故外家王母慈愛我攜  
我去姊嫁兄遠商孑然冠獨素莫宿依阿婆晨起就外傳惜懂  
無聞知恍忽墮雲霧諸舅方豪華僮僕皆饜飫涼堂沸清歌煥  
室滿客履連年收科名鄉里捩眼覷貢諛到小生亦有賢甥譽  
可憐不祥兒觸處逢人怒歲時獨傷心暗泣淚如雨如此者六

年若寄生在樹阿兄議再婚賃屋移家具稍稍思進學了了忽  
不悟媿恥憤交并一病入沈痼小愈閒披尋豁爾頓開寤自此  
爲文章漸覺能枝梧無端熱中腸攬轡長安路三上三不報去  
去復回顧始猶負盛氣倖莫終一遇漸且迫饑寒不暇製章句  
廁身入游民士商兩無附昨朝下武昌瀕于危者屢扁舟竟到  
門是有神護入室婦含愁欲語半吐茹徐言客有書敦迫柴  
車雇君今垂橐歸一切無部署年饑益無儲兒大學將誤雞肋  
剩微官棄取何所措况君憂患身輒與物相忤人生若寢幻榮  
華不朝暮不見阿舅家富貴誠可慕轉眼西州門已爲他人據  
行行當卽歸曷爲兒女慮聞言笑且嘆此事爾無預得喪繫之  
天天定誰可訴有手幸能持有足幸能步區區行役勞安敢辭  
不赴但除饑餓死料爾得團聚他年歸去來無酒曷先酤解劍

爲買牛耦耕傍墳墓與子庶下春終老永無斃

庚子夏

鉞

與无咎再山尹甫外兄同舟北上又同宿邸

店者累日无咎頗記憶稗官小說夜輒喉之談以引睡  
蓋詞未畢而余三人者已鼾齁矣今春復偕再山來京  
師距舊所宿處僅一牆隔而无咎下世已六年矣追念  
悲悼作成此詩

行裝才卸雨飄絲曲尺安牀夜說詩今日一燈相對臥可憐無  
復虎頭癡

題陳章侯竹林七賢圖

魏晉之閒名士阨最難全者阮與嵇步兵嗜酒以癡免臥龍竟  
不終蟠泥山陽竹林地可避作者七人同巖棲彈琴詠懷結自  
得高尙詎可階而躋自爾山王爲世羈黃公酒壚路忽迷巨源

巧宦廁會秀三公手取驕其妻爾時卽無中散與之絕非吏非  
隱已有旁人詆奈何嗣宗大眼孔青白竟不分東西俗物豈止  
敗人意蕩陰之亂天方憐侍中碧血所親見甘辭野鶴爲羣雞  
不知籍也向者與談有何好大都甘言賺得相招攜其餘三子  
出處亦畧似縱酒任達名皆齊可憐向子枉思舊箕山有志徒  
空齋我觀茲圖三嘆息良田害稼因生稊章侯亦是嵇阮輩一  
一位置名堪題六人離坐一人立英姿逸致超凡黎特於戎像  
作肥澤膏粱自不同鹽齋微嫌狀貌不似十五六畧于史傳差  
參稽一髯飄飄如有後卷尾笠屐來媿媿觀者共識山公至何  
獨面目黃而顰筠簟左右何貞美閒厠松柏陵丹梯徑轉石罅  
走兩奚一酒甕壓雙肩低諸君一飲一石或八斗此酒甕到昂  
與臍我欲補寫清醖百十甕深取流水皆成緹一任諸君拍浮

如鳬鷺醉鄉廣大和天倪無聞無見無魏晉縱百鍾會何由擠  
嗚呼此地豈非桃花溪嗚呼此地豈非桃花谿

次韻韋孝廉

協夢

儀禮卷子

韋君注儀禮如入叔孫蒧指揮弟子閒曾不費辭說要使精義  
精不令絕學絕隻字或未安是中有如噎穿穴滙諸家萬派蓄  
一泄懿昔鄭康成祕旨大昭揭外此傳述人王孔凡十哲彝鼎  
爭敷陳締繡費補綴卓哉徽文公風舵中流振義只章句尋事  
乃廟朝切頓令讀者易昌黎見應悅君今說鏗鏘大奮金木舌  
罅漏宜補苴鄰光誓不竊譏彈復好人校讎若按閱繫子行役  
人蕪穢心田茁高閣束詩書禮儀如棄楔句讀所不堪往往喉  
屬結慚愧腹便便想像肱三折他時付棗梨還與相論列或者  
無用材聊備竹木屑

書實園先生楷書冊後寄東田

先生名華

吾師鍾實園蕪湖老學究方頤有疏髯形貌甚豐厚年已七十餘鄉里尙教授十科不得舉老死竟無後書法妙晉唐大字善結構使筆如使指紙背力能透一時扁榜新造請以金壽往往書塾歸松烟染衫裏我時生九年外傳已三就先生獨喜予謂是後來秀眾中呼小名輒令几案候興高教握管放膽任馳驟身與字爭長力共筆相鬥須臾點畫成蚯蚓蟠屋漏先生一鼓掌此才未易邁由是能書名籍甚自孩幼那知二十年惡札尙如舊慚愧欲自撾撫心深內疚昨者邵東田藏冊出相觀筆蹤何精嚴字大畧如豆其原出黃庭波磔尙加瘦乃知方丈書發自蠅頭覆翻悔于爾時兩眼苦矇瞶卽今睹標題彷彿聞咳嗽天露署草堂一椽居巷陋荒園蓄秋花籬落堆錦繡棗栗釘蛩

盤茶乳當醇耐孤吟笑無烟獨坐月如晝

先生種菊嗜茶好夜坐榜其居爲天露草

堂

君家三代師父兄所祖桓遺墨僅有存得毋神所佑青山孤

墳頽宿草殘碑仆礪角任牛羊秋風竄鼯鼯我思褒遺書刻之墓門右奈何弟子中十室無一富會當醵私錢有賣易先售開年得歸休選石事琢鏤唯我與爾夫此願誓當副

### 十一月七日移寓櫻桃斜街四首

行腳年來慣打包劇憐無地可誅茅市門爭利非廉賈芒屨都傷乃族庖已共白魚甘蠹簡又先乾鵲去營巢家山定有移文勒猿鶴飄零愧故交

一塵休詭寓長安緣盡須知欲去難擬買三閒臨水屋注消九

品人流官

時四庫全書館膳錄議敘詮注吏目

射生那得逢雙雁救死憑誰犒一

簞多謝零陵賢內史

謂范刑部

累他豈止致豬肝

地爐入夜火通紅布幔當門不受風隔巷屢邀蕭脊至

再山寓  
僅隔一

巷對餐那信庾郎窮談深酒冷奴先困燭跋更殘鼠發蒙說與

江鄉無此樂舉家正爾啜雙弓

共說穉生嬾不堪但除風月勿多談絲恩髮怨君休計飽喜饑  
嗔我卻慙斂翼獨棲如凍鳥抱書無語似眠蠶若教添箇沙彌

住合署門前大雪庵

先一日  
大雪

雪中喜汪繡谷

文錦

見過

解后脩門各閉關風流常羨水雲閒清聲素月彈松雪秀句紅  
牋擬竹山貰酒約君吟十日消寒宿我屋三閒猛驚玉戲凌空  
劇目送飛鴻卻又還

得家書憂悶不寐遂成此詩

望書情孔殷得書愁孔劇開書涕汎瀾收書嘆終夕今年江南

饑四千米一石貧家雖也無我年又于役二女復三男都不滿  
五尺大兒雖成童慧不辨菽麥小女始扶牀笑言唯啞啞門戶  
託病妻緩急誰可借曉惟候竈觚夜不安枕席秋來病滿家醫  
藥費籌畫無米炊大難兩眼望皆赤可憐饑寒憂復此勞苦積  
彼賢我愈慙勸勉勝交謫不見舐犢牛尙思解其輓不見伏雛  
雛亦遺脩其柵奈何志四方乃令嘯號迫顧影負鬚眉覓心了  
無宅

旅夜雜憶

來往何嫌清話頻阿誰酒脯勞吾神自憐毛穎陳元外一點殘  
燈是故人

漢陽門歇渡江船黃鵠磯頭月上弦想到江天烟水闊游仙一

覺又經年

去年此時輒于  
黃鶴樓看月

聽說今宵月有闌  
閉門嬾去立清寒  
愛他窗紙渾如雪  
滅燭聊從屋裏看

荒園草木應無恙  
今歲枇杷定有花  
傳語阿鳴多買竹  
編籬好待我還家

放學歸來經要溫  
莫隨弟妹候柴門  
平生頗有盧仝癖  
爲愛添丁嚇抱孫

次韻祀竈

尖風送鄰語鵝鴨劇煩媼  
似倚竈觚聽跪拜見翁媪  
古云老婦祭禮經  
置弗攷何物陰子方乃爲神  
所好黃羊值幾何我豈不能  
禱連年羈異鄉門東地欠掃  
半生仕宦心饑寒漸灰槁  
惟神職炊爨忍心靳一飽  
將毋鄙行廚曾不見鮮薤  
主簿亦美官安敢望孫寶

再山歸寓後書悶

短檠油已涸續此一寸燭鼎水方急煎潑茗醖如粥摩挲几上  
編歲晚何用讀兩耳百厭聞強送惟爆竹平生昆弟交路遠地  
難縮客邸剩唐衢善笑不善哭清談可以飽卻恨西家宿每當  
送之去歸坐仰空屋是中如焚絲不可復機軸

憶子卿

與子若米茗一日缺不可晨起意徬徨相見乃帖安夜歸燈一  
雙城旦怪亦頗何曾見二客風雨所相夥別來三百日流光急  
飛笥宵寒雪覆廬應對寢中我逐貧爲貧逐吁嗟計誠左湖亭  
水翦花山寺梅綻朵幾時釋羈疾喜報歸信果畫社一尊開解  
衣盤礴羸

次韻梅農題友園荒江老屋圖

百年纔一覺我已卅六癩家山輒拋棄江水倦迎送孔懷青門  
生歲晚恣嘲弄書畫不離身持與市人鬪一椽久借人何曾有  
隆棟老屋寄畫圖觀者笑且諷諸弟皆阿龍有子亦如鳳米茗  
在道旁撥雪煮齋蕪辛勤一飯飽臥不到酒甕友園舉家不善飲與子  
本甥舅貧亦相伯仲門前竹一竿摩挲記許洞

遙憶蕪湖縣五首

遙憶蕪湖縣風光盡頗能月明城早鑰歲儉市無燈舊雨吟情  
減新春米價增湖亭三兩處尙有醉人曾

遙憶蕪湖縣清貧幾箇能閉門多縱博負債且張燈羣屐人人  
羨弦歌日日增子錢雖過母償盡又何曾

遙憶蕪湖縣繁華往日能魚龍大街戲菡萏小家燈虛耗沿門  
照浮圓計口增踏歌尋謎社不寐記吾曾

遙憶蕪湖縣寒家百不能爐無通夜火室有照愁燈婦嘆病誰  
信兒長衣欲增遠人腸日轉事事在心曾  
遙憶蕪湖縣遄歸病未能天風吹入骨窗月耿如燈草閣詩仍  
滿蕉林葉定增不知釵拔盡拈賣到書曾

和涪翁病字韻二首

饑寒競此心安能不憚病楊朱拔一毛淵明有三徑求醫逮覺  
痛已自昧藥性頽然忽呻吟謬學仁者靜  
風日非不佳適我皆客氣憧憧多往來淡然嚼蠟味天女怪維  
摩不出方丈地未能了六根且免致寇至

再和

景宗本下官強要壓競病借問萬里征何如行不徑蛙黽樂清  
和蟋蟀稟秋性盆水當中庭澄之久方靜

石虎復表鬼怯者懼掩氣脯苦而我蒲饑者甘有味萬事作病  
觀苦樂無兩地登然空谷中裹飯子與至

寄子卿六言四首用涪翁贈高子勉韻

天南雁字歸人爲語潤生潤身

潤生子卿字

小兒要讀急就定須問

王應麟

時令阿鹿鳴從游

芻尼屋山送喜梅花樹罇高歌草澤文詞清麗今年定取醵科  
未必手腕着鬼須信搏拊有神君勿言學于我臣已壯不如人  
爲文終當面壁應舉先須佩弦沈吟三十六體艱難一十九年

寄劍門再用涪翁韻

驢背詩篇在手牛腰畫本隨身傲睨店人賈客走獸之於麒麟  
伯仲叔季之弟山水風月能歌倘俞清老赴舉與林處士同科

劍門行五年并  
八立志不娶

送不去唯窮鬼迎之來有臬神那得檳榔乞我同是翳桑餓人  
碑古正在沒字琴趣何必有絃萊把但叨地主茅舍合終天年

寄伯子兄三用涪翁韻

伯子兄名甲

具慕容彥超面如齊國晏嬰身文章善爲悽楚阿兄直是張麟  
做廬不蔽風雨擁鼻愛吟短歌春和景明無事牆桑門柳須科  
兄瘦略存骨骼我羸不堪精神劇憐門戶衰落子弟了不異人  
大椿不藉靈壽墳簞端勝管絃奉觴百歲上壽待我二十五年

伯父年七十六登山不杖  
昨聞芟裳弟新自大梁歸

南和縣東韓里嶽廟有隨開皇碑二丙午春仲游永年  
解后得之召工椎拓以歸因書其後

登途日有記匪特識遠邇且以徵舊聞且以訪遺址北人唇齒  
鈍語音濁以駛胡盧說邨名譌替入鄙俚誠如琉璃河六里復

劉李我行嬾問人休車卽入市徧求古廟碑輒得所緣起今晨  
飯南王言宿東韓里方言聽轉疑下筆寫又止裴回逆旅門有  
廟幸尺咫行行入門左伯仲碑相比一稱隋洛州造橋渡澧水  
開皇十一年三老共創此駢詞而分書意義詔以侈上言佛法  
宏次以諛刺史司馬泉令尉靡不獻溢美末復頌皇帝皇后皇  
太子内外文武官咸蒙斯福祉是時踵齊梁佛法入骨髓區區  
一津梁邀福乃如彼那知橋始成前星舍已徙橋以開皇十九  
年落成煬帝以  
二十年立可憐覲地伐竟爲阿麼死一碑隋邢州鶉首躔歲紀十文  
得二三癡胝徧頂趾斷續讀其詞大同小異爾此碑爲疊文前  
碑乃經始因思洛改邢事在十六祀厥後又四年支未干屬已  
是知此碑立在十九年矣摩挲月忽高欲揚苦無紙回顧邨學  
生循環觀不已不審此何石能令此公喜無言意若癡笑口眾

皆哆我記來時路車下流瀾瀾豈卽澧水歟未暇究根柢但不  
知爾時何處排雁齒吹燈筆之書閉目事撫擬惟愁字模糊畫  
肚勞吾指

曲周道中

卅里曲周路泥深雨又飛直將車作舫悔不瓦爲衣棗實垂方  
碧槐花落漸稀邯山青一抹小別亦依依

宿東阿舊縣讀西楚霸王墓碑重感李將軍事作二絕  
句

霸王事業難成日卽在圯橋進履年那識孤墳尙千古絕無黃  
石穀城邊

烏江廟與穀城墳兩地忠臣有昔勲卻幸龍且專配食不教粟  
主祀將軍

過陰平見道旁袁安舊治碑戲占

地凍冰堅輪欲摧  
林端霽色莫方開  
休言邨落荒寒甚  
臥雪人曾臥治來

爲子卿重作山水長幅戲題

暫歸人事閒餘情  
寄圖畫王生興最豪  
小幅意嫌隘藏紙裁宜  
州擁灑甚清快忍寒到三更  
約畧具疆界山深嵐欲浮  
澗曲水分派生從旁  
睨觀喜極舞且拜來朝  
付裝潢三日此可挂從容  
待題詞毋令君意敗  
那知舍人蛇添足由自壞  
微嫌磬頭低聊爾加黑  
忤初猶蜀婦髻繼遂齊  
侯疥撫几瞿然驚閣筆  
撫而唱輒作數日惡如負  
十年債雪窗再搗豪慚憤  
氣忽邁位置雖改觀筆墨  
覺稍懈握苗笑宋人况乃  
助萸稗處卑而思高凡事  
可爲戒題詩贖前愆慎勿  
棄菅蒯

蕪湖許文澄深重校刊

壹齋集卷六

當塗黃鉞左田

古今體詩四十七首

盡丁未一年

將之杭州留別子卿

京塵滿面賦歸與歲尾年頭兩月餘鑪火尙宜煨榾柮谿帆又欲挂遠條相看東郭履穿未此去西湖水漲初與爾十年更五別一番執手一愁余

猶記寒廳上學時書聲朗朗誦風詩那知小友聞名早也似狂夫見事遲席帽柴車甘共笑江雲燕樹苦相思得歸聊作亡羊補形影從無三日離

迎風送雨負游春門飲辛盤日日新嬾讓花開慚鐵佛聞鐵佛寺梅花已大醉辭杯滿學金人車公在座皆知樂吳質長愁豈爲貧何放

日閉關無一事四時文酒鎮相親

宿高淳

古寺鐘魚動長橋烟水昏溪流平似砥縣小靜于邨澹日月全  
缺微黃柳半髡來朝風定起今夜被奇溫

自溧陽至杭州溪行雜詩

柳色近邨綠山光隔縣青帆收橋又到船穩鰓稍停破悶添茶  
椀療飢注食經推篷無可望坐睡羨奴星

野水滙成蕩綠林多寄居善偷何礙禮貧篋忍來祛夜渡不驚  
犬晨炊且飯魚此時劃雙槳快勝策疲驢

偈仄復彎跽中宵醒更眠洞窗蟾影活搖寢牖聲圓易觸打頭  
屋難窺處甕天何因空四大隨分好安禪

宛轉過墟落蒼黃鬱菜畦蛙如老人咳羊作小兒哢霧斂煙髣

聳風寒日腳低把杯功課了一任醉鄉迷

小市人家靜炊烟曉未齊絕無茅蓋屋多種菜緣隄獵獵風棲竹鱗鱗水畫谿漁人剛布網農戶已撈泥

繫纜到無錫揆囊幸有錢急酤卹店酒遙品惠山泉春帖門無字斜陽市鎖烟糧艘忽東下鄰舫盡譁然

吳閶風景異目力倦還勞穿巷河流曲闕城橋洞高雲窗軟語膩畫舫俊游豪木石由來慣難堪市井囂

女桑葉猶孕幼竹筍初生吳越難分界耕漁總有情牛蹏輕曉露人面上春晴卽事游懷暢掄予詩句清

密印當年寺新詩記石湖瓦殘無復絳鎮古尙名烏八面津亭矗三叉谿路紆微聞舟子說七縣此分途

買魚過璉市晚飯對含山孤塢松將出浮雲風約還熟諳千里

道飽味六時閒明日杭城外扁舟定可灣

經曹娥廟作歌

東山山色修蛾橫舜江江水玻璃清曹娥鐵面作鏡面載我一  
葉鴻毛輕夕陽艤櫂崇祠下幼婦碑沈已重寫婉孌雙娥麗畫  
龕陰森老檜寒鴛瓦宋有朱娥明有諸娥皆配食事具紹興當  
府志墓前有雙檜亭榜爲宋張卽之書當年伍相樂婆娑忍使貞魂殉白波試較鞭屍負屍事相看忠孝  
兩如何

七里瀨

篷窗圍錦屏我身入圖畫心豁闢新局目瞬眎舊界江盤玉循  
環山互黛畫卦行愁溪路窮坐覺天宇隘富陽曉纜維釣臺午  
帆挂節企嚴陵高隱弔方干介朱鳥歌者誰蒼山哭幾壞塵顏  
媿勝游肅望早心拜踐苔足恐污剗石壁虞芥舒舒波鱗皴齒

齒石類斷藏禽韻深蒼潛僚鏡清快宿桑尙有戀啖炙得無嘔  
結茨想巖幽科頭忘日曬

嚴州

塢影竚岍久候迎危灘上上費肩撐三條水到城根會五色石  
填江底平歙浦峯巒遙在望睦州形勝古多爭乘流忽發懷鄉  
思何日蓮花頂上行

五月三日嚴州口號寄葛冬邨

應遲

夜半驚雷繞屋鳴萬山齊瀉玉琤琤朝來忽憶涼篷子

船打槳名

中流聽雨聲

甲辰重午與冬邨子卿泛涼篷子觀競渡

讀騷飲酒懷名士紅莧銀鱗味故鄉屈指三年行萬里丁江滄

水幾回腸

去年客永年唐明府署

滿眼雪山不可游寒添半臂似初秋遙知穀皺蘭谿水又伴星

槎上婺州

舟中望金華山

淮南拔宅元荒唐離奇更有唐公房洗腸滌胃到腐鼠何獨聳  
水空留鄉劉綱夫婦共證道升樹梯雲婦應笑母逐子笞者爲  
誰不食靈丹老可悲神仙難得唯兄弟三茅句曲參同契世上  
荆花樹半枯誰見天葩鄂棠棣吾家初平善牧羊金華洞口巨  
勝香卅年不歸阿兄怪踏石尋上黃茆岡雲中握手喜且語殺  
癡紛紛遽如許豁然大笑悟前緣雙鶴一舉冲寥天丹鑪藥竈  
渺何所洞天深祕三千年濕雲苦霧飛不起想像瓊瑤雲霧裏  
高會他年宴幔亭應憶人間有孫子插天忽露青芙蓉玉壺縹  
緲金盆通還丹凡骨不可換仙山徒飽雙青瞳江深灘沒客搖  
舫東風又灑神靈雨仙之人兮不可望如此勞勞究何補駭予

亦是亾羊人有兄未老斑鬢新寒衣飢食且遂願餐霞絕粒姑  
毋論

松鼠用東坡竹颿韻

圓陰落雙柏庭覆百石盎蒼鼠竄高枝捷若鳥釋網美樅目未  
經騰擲矜健爽晝出宵不藏服翼鳥足髣墮拔蒼龍髯緣硯稚  
子子城上多竹尚有筍辱五大夫名肇錫夫何枉松肪亦仙餐安得令  
汝饗我欲縱兒童玩之於股掌

金華試院宋六碑歌

并序

金華試院宋保甯軍治也聽事後有堂五楹榜曰宋自  
公堂明神宗時御史黃安周家棟書曰宋自公者大觀  
四年知州詹適重建所易名舊實爲野聲亭也元卽州  
治置廉訪司又改自公爲一公周則仍書宋名也堂後

屋七架亦宋眾樂堂遺址政和間知州呂宗建而名今  
爲學使者燕寢矣庭有雙柏相傳亦宋植當柏之陰自  
公堂之後壁東西有碑各三一題名記楷書慶厯六年  
領郡事關詠立石始太平興國三年閩象以殿中丞知  
訖宣和三年楊應誠以武功大夫兩浙路提點刑獄公  
事權知前後七十七人自慶厯八年陸廣以上字體方  
整類顏餘則人自爲書矣一崇甯四年聖製御書手詔  
行書下有跋漫漶詔畧云朕奉先志述而行之靡有遺  
舉吏怠不虔因緣爲姦托法以便私倚令以搔眾令諸  
司悉力奉行有懷姦廢法不如令者按罪以聞仍令御  
史臺體訪彈奏按吏是年以朱勔領蘇杭應奉局及花  
石綱東南之民方撒屋毀牆疲于供應而詔書諄篤亦

似重有恤者何贖贖也一藉田手詔楷書下半亦有跋  
不可讀其略云朕惟兵興以來田畝多荒故不憚卑躬  
與民休息今疆場罷警流徙復業朕親耕藉田以先黎  
庶按此詔高宗十六年春正月壬辰行藉田禮所頒距  
和議已六年矣一皇子節度使魏王手詔乾道七年二  
月立石孝宗行書略云朕以皇子愷賜履大名備藩甯  
國仍元袞視儀之貴兼齋旄制閭之雄乃眷東陽實居  
近服緬想提封之內當知寵命之新今特授雄武保甯  
軍節度使判甯國府依前開府儀同三司進封魏王按  
宋史魏惠憲王諱愷孝宗受禪拜雄武軍節度使開府  
儀同三司封慶王莊文太子諤愷次當立帝意未決旣  
而以恭王英武類已竟立之加愷雄武保甯軍節度使

進封魏王判甯國府以示優禮旋徙判明州數年三十  
五訃聞帝泣然曰向所以越次建儲者正爲此子福氣  
差薄耳諡惠憲此手詔正愷進封時所降也一騎牛圖  
嘉禾陳舜俞知山陰縣以不奉青苗謫南康監酒稅參  
兩牘與致政大傅劉凝之跨游廬山陳作歌劉爲跋而  
謦于石歲癸丑熙甯六年正月五日也畫譜以圖爲李  
伯時作但誤歌爲劉耳山谷拜凝之畫像詩云往來澗  
谷中神光射牛背蓋指此也一留槎閣圖上分書七律  
一首亦舜俞寄題於歐川者後有郎中何公跋留槎圖  
者在處州龍泉縣濟川橋上下卽歐川也龍泉志云何  
才翁泛西湖偶與東坡談槎洲之勝蘇喜曰得非張翥  
氏之槎乎書留槎閣三字貽之舜俞爲詩遂名播當世

郎中何公者何傅也字得揚號玉雪紹興廿七年中甲  
科隆興間爲吏部郎中殆才翁之裔跋剝蝕不可讀蓋  
距作詩時後七十餘年矣第不知二碑何以在此攷府  
志補遺有魏王手詔餘俱失載爰書其畧而以長歌紀  
之乾隆丁未五月二十九日

金華試院婺州治建修屢厯元明季盤櫨駢拱溯大觀扁榜到  
今題宋字野聲亭後眾樂堂擎空雙柏雲蒼蒼欹檐下庇石友  
六插笏而立東西廊龜趺已失額尙好大字方嚴認了了一碑  
遺書賜魏王食邑加封立乾道一碑御筆親藉田細觀書勢何  
翩翩疆場罷警與民息議和正屬稱臣年左有題名右手詔題  
名妙蹟尤堪寶領郡七十有七人我識老手有錢藻當年徽廟  
瘦金書蔡京摹倣多不如倉皇北狩究何補文工墨妙胡爲乎

其餘兩碑刻圖畫騎牛可辨留槎壞松雲剝蝕剩長歌闌檻依  
稀跨清派白牛居士謫南康匡廬雙犢歌慨慷歐川有閣復寄  
咏只今牛斗增豪芒臨川相公拗不省奉我者遷逆我屏青苗  
法似花石綱熙甯畧與崇甯等我觀崇甯國勢危京攸傾軋懷  
姦私四年朱勔領應奉蘇杭瑰異搜靡遺小民怨咨殊不恤詔  
立此碑正此日便私搔眾誠如令可惜堯言而桀述摩挲波磔  
妙且娟大觀搨本神非全字較大觀碑尤楚楚遙思進御敕頑硯磁藍紙  
灑桐花煙此時豈必欺後世璽書絡繹同兒戲那知黔首不可  
愚何用心勞徒作偽陋哉郡志畧不書日銷月鑠頽牆隅魏王  
節度想遙領藉田歲月歸模糊題名一代誰不朽六碑比立唯  
君壽轉眼怱怱南渡過爾時興廢能言不風流競羨沈隱侯裏  
紙和烟搨不休高歌柏石還相笑忙殺城南八詠樓樓有米萬鍾所書休

文八詠石刻  
推拓如鏡

觀鷓鴣取魚作

魚鳥判飛潛相化復相賊我思魚之生實無怨無德泳游忘江湖人物兩不尅苦遭鷹翠貪時畏蝦鯁逼漁人百計求其密如織陶朱經所無皮陸目未識勞以身破冰逸令魚自陟跳白船更思貪役貪收此鷓鴣力鷓鴣本水禽非魚固不食名或易鳥鬼法來自倭國兩兩立船舷一例天生黑饞涎項貫環腥風翅交側瞥眼見游鱗翻身沈不測大者竝力擒小者滿口塞旋吞倏旋嘔究非爲已得是葢性使然非關盡厥職曠觀疆弱閒生殺機互匿蛋蟹爲利甘虎倂因死惑靈蛇象且吞妖蟄月敢蝕怪哉兩口虬爭食還自殛何論螳螂蟬後先爲鬼蜮萬物爭一飽叢禍乃不息無所利而爲愚何至此極鷓鴣爾有知曷不奮

兩翼棄死江之壩  
吮喝霎時卽小詩  
擬大風可以喻吏墨

次韻張在蘆

舟

飲桂花下呈石君學使夫子

湖州作

黃金糝地米粟多西風不食柰爾何  
極樂國中眾香國埋頭煙雨中  
秋過涪翁之師晦堂老手扶八榦  
凌風柯濃薰鸞鳳煥奇彩  
淡瀉茗膏馨餘波平生歡喜發  
隨地過眼安樂真行窩婆娑  
嘉蔭少雜木濫廁小艸煩譏訶  
張侯文章若美玉攻錯不用山  
求他對花酌酒忽浩嘆卅年尙遲青  
雲科溫馨勝讀蔚宗傳等數沙礫  
猶恆河我聞木桂長百藥宣導節  
脈扶陽和小山結屋且姑俟起爾  
拳曲巖之阿文昌六星光照席泰階  
正爾平無頗

九月朔日泛碧浪湖游道場山歸登峴山亭尋李相石

尊

并載塵霧胸倭倭何處洗秋風送客槎天許袂蒼水閉關一月

餘煙雲湧足起晨興出南郭扣柵泛清駛鱗鱗碧浪湖晶晶明  
鏡啓菱芡蝕半規攬照亦可喜同帆入小谿線路爭叢葦道場  
青滿眼孤塔矗可指稍稍有人家我舟亦云艤

上上百步棧商飈奏林皋山田新雨足霜稍香如醪弁山自南  
來嵐氣遙相包少休翫巖罅羣想歸一超置身千仞岡始見天  
之高五湖一杯水可以清煩勞

山僧邀我飯脫粟亦足飽虛堂坐秋風惜我游不早巖花無一  
枝病葉落如掃佳辰愛獨行四時秋最好湛然氣之清收攝入  
懷抱長歌行塋确陳步踏坡老蓬蒿不敢踐怕有熙甯州

解維向歸路停橈登峴山窪尊凹如臼大石何盤桓風流憶適  
之酌酒頗常歡魯公千載人暇亦窮躋攀聯吟挈羣從惜未山  
崖刊我來臥其下摩遍苔蘚斑蕭蕭林颺吹渺渺溪雲還結茅

吾有志卻畏山靈慳

讀荆公烘蟲詩次韻嘲之

人身血氣天轉轉蟣蟲微生出汗浣爭知肉食致此因誰信焚  
酣戀寒餓阿奴火攻本下策窮寇遁逃計無邪深藏罅隙虎負  
嵎倒釘襟裾竹垂箇蹣跚無力豕腹脹膈膊有聲蠹背破以衣  
投火勢不能擇肉療飢威暑挫因思卵孕附吾身廁之齒牙罰  
已過況茲焦爛下邯鄲何異寃殘付春磨故衣未脫新衣成生  
者舍機死者播是身八垢未能除那免痒肌毛蚝墮火牛燕尾  
角無功燧象焚身齒誰貨飢鷹餓虎佛不辭火威灰飛梟胡坐  
當年御覽笑鬚緣此日冬烘成手唾相公調燮類如斯猶記青  
苗責逋課何如無蟲不須烘湯沐時親聊自賀蘧蘧蠶蝶逗生  
機一榻黃花相對臥

嘉興試院九日對菊呈石君夫子三十韻

積雨開叢薄黃花照濁醪十年如過隙九日負登高作賦豪愁  
鬢探懷刺久毛身行逾萬里頰緩待三毫痛過思何益飢來計  
莫逃生天甘後謝止酒卻先陶嘉會辜清醖深鐙擁白袍愁盈  
庾信斛機笑漢陰棹乃者先生召來窺著作曹小鳴慚蟋蟀大  
扣識蒲牢泛槩經樵李孤城問馬噪開軒橫一榻移菊把雙螯  
燈展徐黃筆機縣錦繡綯校量水土性夔護雨風饕卽此知嘯  
植因之笑感騷大都皆質鼎豈有不明膏擁腫樗猶用參差荅  
亦芼也知齊得喪叵耐迫嘵號知己誠何恨吾生太不遭艱難  
驢負馱桀驚馬騰槽山石從誰錯河沙費浪淘薰蒸生湛露醞  
釀出清糟日侍維摩室時觀羅刹濤刻舟爭得劍行潦亦容刀  
狂恕賓僚薛愚憐弟子羔骨高知馬瘦尾赤念魚勞小圃花移

檻長江水復舳鄉心無計遣倦翮又將翎孤負泉明徑荒蕪仲  
蔚蒿漫書當乞米孺筆媿題糕

送張解元

璧煥

歸繁昌兼寄謝明經泳

六年之別手脫九六十日聚蛙在官西風颯颯籬菊殘欲別未  
別顏不歡羨君性緩如范寬得失盡付棊一盤人生知己古所  
難君名淡墨書未乾增城玉樹羅琅玕奇香卻讓溪山蘭軒車  
得得來姍姍登高不負茱萸看飄然而去歲欲燁三華翠撲疲  
驢鞍嗟予蟲臂而鼠肝流沙到手焉能搏欲往從之奮歸翰田  
園山水持兩端天台雁蕩真奇觀茲游不遂心何安君歸江國  
紅樹攢寄聲謝客當加餐明年來游舸勿單春風遲爾之江干

朱孝廉

煌

來游西湖冒雨獨泛于其歸歌以送之

陰晴三日湖上樓春秋七日湖上舟西湖于我緣不薄出門往

往成佳游惜哉思澀筆不遒唐突怕爲湖山羞胸中詩畫不知  
誰戰勝如見五色迷雙眸桃椎居士達者流湖州乘興來杭州  
鴛鴦碧浪不足留要窺西子匳鏡秋冷雲釀雨帆脚收翠烟掃  
霧蛾眉修凌晨不與旁人謀禦雨卻獨披羊裘綠波熨貼柔艣  
柔此身何必非閒鷗翠螺白紵君居幽廿年讀書最上頭我昔  
訪君君歸休爲言清曠無可侔爾時兩人足未出庭戶若謂此  
外勝境非所求那知飢驅鷹脫鞵四方上下難自由我窮燕趙  
溯江漢君刺亦向脩門投問君扁舟興盡不雲山滿眼青浮浮  
何忍遽爲王子猷

飯鑑湖觀穫稻

今年志于役兩度過鑑湖春來秧未插冬至已運租歲華遽在  
苒一飯真須與青山遍紅樹碧浪風舒舒疏狂羨賀監清暉能

爲娛居民擅美利不復揆厥初扁舟恣往來那管閒菰蘆馬臻  
昔開導曾輩曾厚圖請看盜湖田今盡成膏腴倉皇吾負腹老  
農誠不如

棗樹灣

推篷山撲人我舟落履瀨詢之棗樹灣境妙能兩大木葉翦春  
葩茅屋相映帶嶺橫如堵牆松栽足烟靄昨朝急逃雨捉向烏  
篷益遇雨但恨衣不瓦那辨山如繪晨風天放晴振翼秋蟬  
蛻忍寒坐帆下其樂毋已太何山非我家乃爾戀粗糲誰遺一  
囊錢築室山水會黃精亦可飽脣壽無有害

之台州道出嶠縣寄友園子卿

水宿剡溪盡山行嶠尖始林垌霽苦霧澗壑激清泚目營翠阜  
亂心醉紅樹綺舍策凌峯顛休興翫林趾颺興戀楓杉雲歸辨

扈歸田毛樂新豐巖構擅夙美香秔敵靈麻清酒冽于水行役  
有如此客心悲可弭

朝發天台縣午飯羽人舍俯臨百步谿側想萬泉瀉趣途路緣  
流肆目雲彌罅嶺紆戒步翔境遂願行暇一清激眾懷萬感歸  
大化艸木孕清暉巖谷繡春夏嚶鳴求友聲誰命千里駕

客懷頓索索馳暉何悠悠相思勞寢憶美景孤同游山心抱空  
曠雲路阻且脩念昔合游輒願言攝山留彼淺趣尙戀此溪情  
曷由裴回發清嘯目睇孤雲流仙靈蛻巖穴林木紛莊嶺遡歸  
屬誰畫與爾追險幽

### 台州洪氏山居

入門爲誦小園賦移榻遙看大固山久坐幾忘身在客百年誰  
味此真閒泉聲穿石瀦爲沼竹色如牆擁作關笑我畧如王子

散徑來吟嘯不知還

乾隆丁未年冬十月二十八日從石君夫子自台之溫  
取道雁宕之北游靈峯龍鼻諸洞奇峭險怪有非耳目  
意念所及者未審雁宕龍湫又作何狀昌黎云團辭試  
提挈挂一念萬漏欲休諒不能粗敘所經觀因用南山  
詩韻紀之

萬生局方隅遐矚止園囿神山在海上縹緲誰闡究夙聞雁宕  
奇造化未我授路想祥符通鑿笑靈運漏操杖陪勝游周歲蓄  
奇觀先期神骨清閉目靈異湊海嶠發清暉崑崙堆錦繡青排  
千仞高朱殷萬林透升豕關重霏入坎走叢茂有厓盡若牆無  
山不爲岫臨海路漸辟永嘉道新就籃輦隨星輶三五簇心囑  
浮陽曉春和豐條擢冬秀行行大荆谿淪漣醉清酎前途忽羣

譁林壑發奇覆耳目失舊規天地騁靈構老僧拱而迎僵立頗

不瘦得毋諾詎那來閱古今

老僧厓去大荆謝公足未經茲五里形狀奇肖

嶺誰剗鏤

謝公嶺爲雁宕北入戶過此則谷中矣

蹢躅造其顛那復辨周衰始知

山靈意以此爲門候遮留閒峯巒不令煙雲籓陰陽互裏姪拘

絃中宮戊俛首闕重厓狹道蛇赴竇泉流瀉琤琤鳥下暗激激

萬籟宗無譴一洗塵雜糅維時山多陰是日晴未晝紋巖斧乍

劈皴細麻始溫羣攢路斷樵孤聳鳴絕犂路交勢欲奔奔側立

不仆剗刻般倕慙渲染荆關陋大造鍾至靈孕育示博富有如

至咸陽府庫將爭走貪婪誰肯廉看殺不相宥又如入五都眩

眊珍寶售罔知目力勞但乞腰腳祐險追狙公游狂判山鬼詬

後升睇前降緩緩沈密翫踐實定心神蹈虛增恂恂因緣飯古

刹知新頓忘舊

會食淨名寺聞石君師談靈峯洞之奇急肩輿補游

蒼黃不敢飽陳迹踏

且又靈洞失奇峯陰崖綬窺瞿二者不得兼心兵自相寇得豈

蕉鹿迷失可桑榆救循途復故道急若維待轂十步作五奔奇

功乃膚奏兩峯竝插雲雙南金不買鳳皇入雞羣五老何邂逅

鳳皇金雞五老皆峯名俯登料足延仰矚先惛脰就險羞懷夷擊清頓豁

督海水忽下垂玉柱冰雙溜劃然中開呀綻補待鍼復分寸力

躋攀擁掖勞左右腹罅旋贏頂圓冒縣胃褫衣濯背汗解鞵

設足臭乃得補斯游所願竟克副山丁曳輿飛騰擲學颺颺埃

簪墮無光漫空鱗甲皺神龍罷爲霖厭棄洧淵門萬古攫蒼厓

心死雉震雉鼻孔涓瀝流邪得四海湊摩挲未移時促去何太

驟青旗前載揚玉屏後擁佑展旗玉屏洞前後峯名天鞭未肯停孰爲龍

婦灸斷碑仙所書糾屈文類籀洞中有同道人七絕一題名徧首字體盤屈卽所書也

宋元姓字波磔逗就中見沈括講學勤筆耨委曲狀茲山幽揆

費訪購通人談微中根據鮮誼需我昔寫遺書有聞自孩幼竊

疑蕩宕文錯出有譌謬

說文蕩水出河內蕩陰宕過也一區區日洞屋音義迴別當以宕爲是

區區

較音義毋乃鄙飮餌惜無西域書誰問蓮花樞又聞雁宕峯峯

峯所相杵若扶拔師子蹲立長百獸嚴并冬百三神異邀靈鷲

唐泉五代宋權輿辨先後攀援到康樂觀瀑亦曾留

近志謝公亦曾到此

以觀瀑詩爲證按謝詩究爲匡廬作此猶集中兩石門詩可無強合也

何異怨耦仇疆合爲嫵媾

龍湫更奇觀此領彼實袖得少意自多捨須竟不狩索然棄南

行愁如趣北首譬彼忍朝飢釜鈍炊不餽譬彼汲邱井瓶墮繻

不收翻然強自寬筭豈無虛殼不聞山有木一樵盡歸標不聞

卦呈爻九簪盡符絲萬事留羸餘陽消戒在姤獲觀二洞奇已

非因想邁底須探海源必欲泛星宿菜傭乃求多天驥爭戀廐

矧茲千里游隨處皆瓊琇回肯憶家居坐井觀天雷三反在一

隅毋爲寸光狃指塗下九盤神虛氣亦懋黃昏望芙蓉巖谷互  
膚腠鋪牀營一飽酒盞疊相侑沸耳尙泉聲飽飢而愈疾卽今  
滌腸胃日讀游僊呪移家就諸謝山中人多謝姓先遣一椽僦沈飲石  
泉香果腹山花艷作詩擬陳謙陋畧難報酌

謝客巖

永嘉山水佳謝客值稱賊我從嵎剡來識此疏鑿力當年周歲  
游此日萬夫德行田教種桑況有功在國後人事苛求素絲誠  
易黑茲巖昔所游勝蹟尋未得白雲青艸篇何處是遺刻模糊  
讀題名宋元字亦蝕俯仰迹俱陳令我三嘆息

永嘉谷氏園

竹杠兜子出重闌暫到名園艸樹新山石品難分甲乙池魚聲  
自辨庚辛以手拍檻魚皆就食茶籃酒榼游誰記岩月湫雪屢未真我欲

爲君題谷口四時此地正如春

登孤嶼謁文信國祠

朝發永嘉江候潮泊孤嶼窮顛雙浮圖腰腳幸我與少休望雲  
樹信國有祠宇振衣入肅拜淒然首重俯緬懷宋南渡興亡屬  
茲土龍潛記壽皇痛哭又奉主盡傷丞相心抑鬱正氣吐邪知  
厓山傾天星落如雨轉戰猶江淮柴市真死所朱鳥魂不歸誰  
擊靈巫鼓荒楹杳無人月黑江聲怒異代有卓公精靈或堪語

西有卓文  
貞公祠

石門觀瀑謁劉文成公祠三首

挂席溯瓜溪弭楫向蓮輿闌然石門高靈境愜初到尋途躡苔  
蹬逢僧屬前導孤叢發早梅幽香暗相報忽驚耳根異仰視銀  
河倒平生未有奇何幸運月造因思謝康樂褰蘭宿浚輿卻恠

集中詩未及石門瀑

我聞測量家雲漢碎星聚撒沙同一光下視只匹素又聞三神山珠塵糝如雨仙人拂拭之棄擲略不顧二說昔頗疑覩此譬可論造化豈斯奇湊泊偶成趣萬靈域分寸目自隔塵霧那知人閒世本有梯天路

祠堂面飛瀑遺像中三楹先生替諸葛宇宙垂大名巖居昔赴召借箸六合清談洋中飛訪述志歸躬耕拓胸見象緯學本經術明多能雖鄙事固匪郭與京當世謬此理傳會交相傾陰謀道家忌至欲疑陳平可知閉房記尙誣孔子成

蕭山道中追錄石門舟夜

尖風翦葉莽辭柯轉眼流光可奈何細雨驟寒來塞雁深鐙孤枕送吳歌年豐尙覺貧爲累愁劇翻嫌飲不多默數之江行已

徧好山半在寢中過

壹齋集卷七

當塗黃鉞左田

古今體詩七十四首

戊申至庚戌

江珧柱

徵材會上天子秘飽噉細味涪翁詩形模野厖一杯琰佐飲綺  
席雙角卮河豚腹腴妙久領但恨未得餐離支裘回鼓腹不負  
汝仰看海月初圓時

湯鵬鐵畫歌

有引

錢唐梁侍講

同書

作湯鵬前後鐵畫歌一時屬和者甚

眾顧傳聞有異辭鵬字天池

鉞

鄉人幼聞先大父言其

事甚詳初賃屋於先曾祖貧甚技亦不奇有道士乞火

於爐爐威詰之曰月餘未鍛也道士擊其竈曰今可矣

徑去後覺心手有異隨物賦形無不如意第惜山水未能也往詣蕭尺木求其稿今所見蕭畫也輒舉所聞別

作一詩

清冷水入中江流以水淬鐵鐵可柔千門揚錘聲不休百鍊精

鏤過梁州

蕪湖水出宣歙體重流駛於淬鋼宜業者甚眾皆材取水於石橋港蓋東則溪流方緩西則江潮漸殺材

美工聚物有尤湯鵬之技古莫儔始者頑鈍賈不售鍛竈冷落

虛如邱星精下矚神光庶遂令爐鞴盤蛟蚪攻金竟類攻皮鞣

賦形肖物皆我由柳嘶蜚蜚蘆蝓蚌以兩鉗當豪雙鉤更思山

水堪臥游法無從得心煩憂蕭君隱德如沈周寄情詩畫娛清

修湯亟造請遂所求皴爲減筆林不稠寒山古寺宜深秋閒有

衰柳維扁舟請看真本鐵筆道果與蕭畫無別不我家有屋臨

莊廋湯久賃之緡未酬歲終往往以畫投燈屏燭檠多藏收不

關豪奪與巧偷比年檢賣靡有留兒時大父辨紬優我敬聽之  
不敢誚太史作歌爲闡幽筆力直可回萬牛盤空硬語雷同羞  
謏聞豈足供旁搜繼聲聊作鳴蟲啾

送在蘆歸鉛山

虛亭積雨霏寒煙手書畫臥衾擁綿綫唐江深漲入寢奮劍截  
斷仇蛟涎時徽州祁門有蛟患江水暴漲朝來日腳照眉宇黃金色射春無邊  
空中樓閣彈指見脫口報我瓊瑤篇丈夫于役有數定傳舍一  
宿皆天緣我行吳會又二載不歸豈爲憂無田卽今去住兩難  
決那禁離別交相憐羨君邊韶腹便便送君上水江山船到家  
好舉孟光案共飯新黍聽鳴蟬

喜范比部

鑒

平臺凱旋過杭次石君夫子韻

戈船飛渡六師歸照海旗幟夜有輝萬馬環營能艸檄百年饗

士看椎肥木華作賦才無敵宗慤乘風願不違六月西湖新漲闊與君談笑洗征衣

非年潦倒尙儒冠鐵硯磨穿筆已乾鶚薦自知非是鴈龍鍾深惜久離韓羨君笳鼓乘潮競愁我蠨蛸入戶難暫欲遮留圖壯觀好憑指點作波瀾

奉酬石君夫子送行之什

四十未聞道三徑歸無貲勞擾二十年始得從吾師吾師嗜才篤所泣搜靡遺手扶大小雅成材皆中規當其嘆賞劇朝諷宵猶披笏觀尙感激何況身受之鉞昨初來謁西園花滿枝坐我再到亭

杭州學使院中亭名

惜我芳華時肝腸瑩冰雪持論均成虧乃覺

向者謬出話何傾欹及今一載餘杖履常追隨漸江深復深歷徧東西湄何當秋風生小別歸有期知己夫何恨感恩甯無辭

惜哉意未達不足鳴其私

范比部書舍三詠

榆

彈指聲中又一春飄零榆莢糝香塵攀條爲爾添惆悵我是當年種樹人

鸞枝

牡丹芍藥錦叢叢拋却湖山四月中花若有情應自笑一枝能得幾時紅

王太守宸畫

合圖曾爲我題詩

太守曾爲鉞題登高合圖卷子

老守前身老畫師我未識君

面君畫十年也算舊相知

雜言五首

十萬言說堯典三紙券無驢字壯夫不爲雕蟲小兒強作解事  
夜讀史記上口潛貽蘭臺改經作僞心勞日拙經神漢聖無靈  
春秋詆爛朝報漢書嗤決科文眼光未窺經史高辭欲媲皇墳  
儒者博聞強識郢人運斤成風不辨鼎有真贗誰知烏之雌雄  
杜陵殘杯冷炙越謠戴笠擔簦君勿輕投一刺客當自盡九能

次韻王孝廉

光燮

見贈二首

飢寒涉世料難工買得江船便欲東與子卅年稱舊雨贈予七  
字勝歌風合并園館閒清晝想像江鄉卷碧簫六月于湖樹交  
蔭幾時同坐綠陰中

晚而學道語能工聽說游蹤大小東秋色誰華圖壯觀詩篇王  
趙有遺風寒酸那慣車爲壁勳業憑誰瓦用簫

時同寓韓城相國承佑園

便欲糟邱共君老其如徐邈不能中

憶去年六月同朱蔚堂張愚溪游虎跑泉山僧汲泉烹  
龍井茶飲客雨中用東坡韻二首寄子卿杭州

肩輿山寺日未上涼葉翻風自俯仰虎跑雅可試龍井石銚清  
堪傲金掌惟愁盪胸波浪生那管飢腸輓轡響棖觸今年正去  
年檐雨喧江癡魂想

蝸牛涎壁分寸上蝮蝨塞鼻不能仰盤旋斗室但思臥慕憶佳  
山如燂掌起尋茶碗久忘渴忽發田歌不成響雲山疊疊水鱗  
鱗有人湖上方懷想

夜雨述懷

愁心百擬無所似似鉅受錢不可傾直需撲滿愁始出此身瓦  
裂生非生人言療愁有良藥對酒不飲何無情濁醪入口痛入  
腦一醉三日猶餘醒蕭蕭涼雨燈睽壁嗟我有家歸未得誰憐

齷齪爲飢寒一十七年常作客江南早稻沒牛尻瓜棚絡緯絲  
可縑人生生計到處足我獨何爲心煩勞丈夫不得活妻子旅  
食京華亦可恥低頭自問客何能失笑不如行腳僧倒單飽臥  
不知曙了無挂礙超三乘

題畫

缸花斗室垂頭暗雨氣疎簾入骨涼小病始知身是寄中醫暫  
遣醉爲鄉閒思客癯真蕉鹿漫憶家山有石羊強起濡豪寫林  
壑雲烟多半屬荒唐

己酉八月十二日過蒲

怵程元吉

兩同年寓齋留飲

慶之僕馬行成三我今徒步影爲二東坡四海一子由我今有  
兄卻無季藏身人海日憧憧沈謝何劉亦難記馳驅九陌逐下  
風不肯輕投一人刺頗聞張陸並宅居其中有水味必異率然

扣門不我拒圖史縱橫儼清閤偶因茗飲愛深杯卒具盤飧留  
一醉程伯春容大雅材蒲髯飄飄有奇致長安作詩多吉語偏  
我十言九不利窮愁未忍盡棄捐深恐人看抵之地兩君不許  
固藏拙痴歎何堪有同嗜方今作者浩如麻出入風騷直兒戲  
候蟲酸楚何足聽但解啁啾聒清寐兩君拍張忽叫絕不枉狂  
名遭物議是何年少太不廉我欲因之妒朱昇急裁佳紙高句  
驪請寫花枝出深翠濡豪爲作松菊枝牆角秋風鬥生意門無  
車馬巷無人邱壑何須爭位置更煩載取後山來

謂陳犀林  
廷桂同年後

會此閒座當四

聽如皋顧君誦戴

寅光

同年泊舟蕪湖訪錢不遇詩凄

然追悼

五載不相見一名行卽殂倚閭傷老父歸櫬少遺孤江雨題詩

處桑乾錄別圖

戴詩有云鳩江疎雨歇小泊赭山西言訪故人  
去蒼然秋葦齊庚子秋鉞曾寫桑乾錄別圖送

歸休

黃山雲似海何處莫生芻

題陳默齋留春小舫

在蕪湖城西陶塘南陳  
山陰人明府聖修仲子

于湖居士張孝祥嗜酒好句清而狂捐田百畝滙爲沼園種楊  
柳分成行煙雲變幻鷗鷺樂簾幌蕩漾芙蓉香當年扁堂歸去  
來只今遺址無何鄉此邦文獻不足考繫我淺陋安能詳狀元  
坊後不半里有湖徑圓曰陶塘張時治宅旣茲地此水何忽歸  
柴桑杲卿圖經邈難得于湖詩集多遺亾剩有漁父三十二魚凡三十二戶年年租稅輸官藏以茲游舫不得入篙楫恐與罾網妨  
賢侯令子今安國愛玩一片玻璃光開軒築館妙結構舫中留  
得春堂堂百城坐擁照不夜六時行嘯羅羣芳厯年七百互賓  
主坐我圖畫披瀟湘憶昔年時好游宴闌入酒肆傾壺觴赭山

濃翠晚欲滴醉踏隄樹行踉蹌有時放歌白日匿永夜讀畫紅  
鐙將少年種種勝意氣嘆息鬢髮行將蒼願君撫景事鉛槧點  
竄羽獵凌長楊他年廷對擢第一湖山艸木皆輝煌濡豪爲爾  
志流寓後有陳亮前惟張

扁舟黃葉圖爲陳默齋題

前年十月行剡谿濕雲夜壓孤篷低驚寢不審何邨雞飛入客  
枕先潮曉朝晴青山淅角圭萬木葉翦黃琉璃我手欲畫筆欲  
題掣曳正如仙降乩誦君好句一笑迷似導故步尋舊蹊君家  
家山女及笄濃蛾環廁江東西嘉蔭得意蟬忽嘶秋風乍蛻聲  
酸悽屬稿半被同游攜美我何異鄒忌妻君詩名與崔華王  
齊故鄉好景行自齋錦囊負重須兩奚樂勝章組還會稽還君  
此圖憶舊棲扁舟泛泛如鳬鷖黃葉打門吾歸兮

于湖竹枝詞

昇平橋畔狀元坊曾寓于湖張孝祥一自歸來堂沒後頓教風

月屬陶塘

四朝聞見錄張烏江人寓居蕪湖捐已田百畝匯而為池園種芙蓉楊柳扁堂曰歸去來昇平橋即昇仙

橋在城西張中紹興甲戌狀元故宅在焉陶塘在其坊後半里當卽歸來遺址張舊有祠久廢乾隆庚戌余請陳明府聖修重

祀來佛亭旁

山如螺髻水如油踏罷青春又踏秋嫌殺漁郎太邨俗風光如

此不容舟

塘以蓄魚故無游舫陳明府曾買二舟余得縱櫂今明府逝而此風又歇絕矣

龍家園廢柳垂陰學圃堂開面碧潯妾似金明花性急郎如萊

眼莫濂心

龍家園在陶塘西學圃堂在其東俗呼金鳳花爲金朋蘿菔之空心者爲濂心說文古文鳳本作朋爾

雅濂虛也方言云濂之言空也土音最近古

酒人散盡坐猶癡讀畫堂深夜課詩莫怪重來雙鬢白赤闌臥

柳已孫枝

讀畫園舊名左園右鄰酒肆在陶塘南

繞屋江梅未肯紅雪花如掌撲簾櫳愚公若許移寒壁乞與山

房障北風一角山房舊名桂園今為馬千之宅寒壁在歐湖即大荆山去城東南十五里湖亭皆向北故云

平蕪一望連天水峭壁千尋宿暮雲想像朱園遺構處粉垣艸

閣照斜曛平蕪峭壁艸閣粉垣皆蕭尺木重過荆山朱家園句詳詩意園當在今寒壁下詢土人亦不知

飛甍來覆塏尖穿風鐸無聲不計年漢瓦秦當收拾盡何人藏

弄赤烏輒赭山普濟寺塏頂殿有飛甍來覆之至今猶在塏殿開有墮首乃赤烏二年造

平軒遙瞰一湖開聞說涪翁守郡來當日到官才九日未應便

起讀書臺赭山有滴翠軒相傳為涪翁讀書處李之儀跋山谷二詞魯直請無為當塗而得當塗猶增證一年方到

官既到九日而罷又數日乃去

濛濛濕翠滴簷楹北寺軒因老檜名自摘青山詩句好山光樹

色欠分明郭功父青山集有燕陰北寺檜軒詩青幢碧蓋饌天

今譌為涪翁讀書處似指山翠欲滴不復知有老檜為功父所咏矣北寺今赭山廣濟寺

野老堂前春尚寒  
閑園籬外雪初殘  
輸他鐵佛拈花笑  
讓與如

雲萬眾看戴園在陶塘北舊為閑園野老艸堂在城北縣人韓鑄宅圓照寺俗呼鐵佛寺有梅甚古花時游者不絕

湖上貞魂骨未塵  
湖邊游女日如雲  
嬌憨似解當時事  
笑問誰

家節婦墳明沈士柱死三婦同日殉節墳在沈家坊陳明府重修之

韭黃芹碧蕻蒿短  
甘薺和泥稱足斤  
底事羹材徵不到  
蓴絲一

任綠如雲蓴為蕪湖土產而人無識者

醇酒三巡令擁騶  
長街七里看春牛  
嬌兒鵝角紅於火  
開樓攬

花簪滿頭每歲迎春必于吉祥寺橋暫駐官為酌酒然後啓行曹石倉詩蕪湖七里長剪絨為人謂之開樓攬花蓋

猶人勝

僧店濃香酒不斂  
麥磴誰飯聽經牛  
吉祥寺裏花應笑  
未見坡

仙挂杖游國朝朱昆田詩吉祥寺酒開缸面愛殺濃香煮藥苗山谷蕪湖縣吉祥禪院記有屠者故兇忍于是坊欲

解牛三少不能奏刀已而牛見釋送我吉祥禪院至今以供麥磴蕭尺木畫太平四十景取東坡吉祥寺看花詩意圓之蓋產

耳合

短碣親題篆楷工嚴家山後翠重重畫工欲辨蕭真本記取墳

前幾樹松

蕭尺木先墳在嚴家山碑甚古雅墳上松酷似其畫

烏飯香時將浴佛黃梅熟後正眠蠶看花試上留春舫載酒須

過三昧庵

青精飯俗謂烏飯留春舫陳明府別業在陶塘南三昧庵今為永觀禪林在范蘿山東麓稱三昧者以

國初三昧和尚得名也

吏部園林何處尋春來芳艸遍江潯那知三昧庵前路曾泊孤

帆永夜吟

施愚山詩集有張來初吏部園林詩平子歸田早于湖傍碧岑又江口三昧庵詩注時泊兵艘僧皆閉門

又雨泊蕪江詩皎月何時見孤帆永夜愁今吏部園林不知何處三昧庵門外皆膏腴之田去江已數里矣

甚紫櫻朱麥已秋玫瑰香遍小孃頭生憎鏡檻花狼藉半入蜂

簪半入油

嫁女周歲必於四月朔送玫瑰花及枕簪之屬謂之送夏新婦通呼為小孃

風捲松濤入寢醒臥游曾對赭山亭分明天水明于練一幅湯

鵬鐵畫屏

鐵山在赭山西上多松一覽亭在赭山頂  
湯鵬字天池鍛鐵爲畫山水蟲魚畢肖

重午龍舟江上逢

李牛何事不相容  
勸郎移近河南住  
妾是青

龍郎赤龍

重五競渡青龍屬河南紅龍屬河北  
相遇必抵死角勝雖婚姻不相讓也

齒舊歌猶楚些

遺停撓打鼓故遲遲  
古今樂府題都解  
卻少人

箋競渡辭

端午競渡龍舟打鼓唱歌詞只四句每二句間以俚  
曲歌詞譌替殊不可解末有齒舊花兒天天句蓋樂

府幾令吾妃  
呼稀之類

中江桂下江水淡

積福閣上僧悲吟  
一枝紅燭照天半  
驚起普

陀觀世音

余兒時曾見汪和尚者居積福閣冬夏着一破衲中  
江擒燬先一日汪望而呼曰好枝蠟燭聞者不解翼

日始驗其言有謁普陀者道逢一僧謂曰爾歸自見  
菩薩何必來此其人果歸比登岸見汪遂飯依焉

清風樓畔

葬淳風舊說荒唐  
不可從博得盲人  
求利市年年團

拜墓門中

唐李淳風墓在驛磯清風樓側事見志今羣  
盲以清明日連袂團拜以當墓中者爲利市

屠仁遠在白沙藏深道依然表道旁  
可慨周邨置守冢至今扁

祕失周郎

陶居仁事見宋史忠義傳而志列之宦蹟殊失體例墓在白沙圩韋深道墓在今縣治前吳志周瑜還江

陵於巴邱病卒喪當還吳權迎之於蕪湖今城西魚市街民家

牆圍古冢相傳爲瑜墓有竊視者中爲隧道鍊懸其棺舊志載

瑜墓在城北周郎舖置守冢戶是時城尚在咸保圩此地正

當西北且與韋墓近意此時北邱地也則瑜墓實在此矣

春波疊疊拍城隈廿畝平湖一鑑開試問花津橋下水幾時曾

載酒船來

西湖池在城北廣二十畝花津橋通河達江今並淤廢

早稻初齊晚稻生喜聽遮了一聲鳴今年不怕圩田破占得分

龍一日晴

農家聽蟬鳴爲江湖平定之候又諺云遮了叫割早稻五月廿日分龍是日宜晴

東承天院有蘇書三館曾搜蔡所儲七百年來方丈改不知何

處是精廬

東坡題跋元豐五年軾謫居黃州蕪湖東承天院僧

廿三日舟過蕪湖因通直郎劉君誼以書請書湖陰曲七年六月

失洪玉父少監建言蕪湖僧有蔡京所寄書籍因取之以實三

館東承天院即今東能仁寺

冥濛春雨莫連朝悵望河流一箭遙不解清冷何處辨夜來山

水破浮橋

前漢書地理志宛陵注彭澤在西南清水西北至蕪湖入江又涇注章昭云涇水出蕪湖徐鍇說文繫傳

云按漢書丹陽宛陵有清水至蕪湖入江又應冷水出丹陽宛陵然則清冷同也浮橋在縣南門外宣歙山水縣至則開以殺

勢其

噉茹何堪煮幞頭網船祭網出新洲今年上市河豚賤不用先

生典袴求

買魚得鱖不如噉茹蓋魚之不美者今漁人輒蓄此種名曰幞頭以頭大如人戴幞也漁船俗謂網船初

網河豚及鱖魚之屬皆祭網而出新洲在褐山

閨中乞巧輒先期沿自南唐內宴時卻恐來朝鵲橋斷癡心更

比女牛癡

陸放翁入蜀記京口人用七月六日爲七夕蓋南唐重七夕而常以帝子鎮京口六日輒先乞巧翼日馳

入建康赴內宴蕪湖去京口不遠亦沿此俗

水飯淋漓鐘磬喧孟蘭會散法師還此中定有揶揄者不結人

緣結鬼緣

中元以水飯紙錢焚奠水次謂之結鬼緣

盡拓經樓看佛燈燭龍冉冉照山升笑他僧俗忙如蟻誰解烟

霞伴老僧

七月晦日俗傳地藏王誕日向赭山燒香者百十為羣夜則人持一燈魚貫而上望之若燭龍然老僧相

伴有烟霞金地藏句

燈船戲罷平安戲豪竹哀絲處處催忙殺花閒驚蛰一年強

半繞歌臺

上元龍燈端午競渡罷則演劇賽神至秋又跨街為臺以報秋社謂之平安戲

燒罷天香幾日曾一層絲又一層燈游人踏月垂涎甚出甌新

香賣菱菱

自六月至七月分社點燈謂之燒天香又謂之平安香中秋前後七日則結絲張燈以祝萬壽謂之

賣元微之詩綠樓新菱實俗稱蓋所本也

人影衣香走月明碧天如洗晚風清誰憐沒柄團團扇曾照詩

人送客行

中秋婦女互相往還謂之走月唐李貞白詠月詩當塗當塗見蕪湖蕪湖見八月十五夜一似沒柄扇元

貢師泰玩齋集有分題得蕪湖月送宋顯夫山南僉憲詩今志作舟過蕪湖大誤

縱偷為戲莫相嗤瓜壓茅檐豆繞籬生子居然南有兆可知女

亦是蛾眉

中秋婦女如郊原籬落閒隨意摸索得南瓜宜男得扁豆生女謂之摸秋白扁豆謂之蛾眉豆松漠紀聞

金最嚴治盜惟正月十六日縱偷一日以為戲

叢簾古木自成邨粥飯鐘魚靜不喧聞得木樨香也未裴回無

處覓庵門井木庵在赭山南以竹樹為牆有老桂二株

爬磯紫蟹入簾肥啄栗黃雞上樹飛小赭山前看刈了大丁橋

下運租歸江蟹上驛磯爪為之禿謂之爬磯蟹最肥美小赭山在赭山西北大丁橋在城北七里

報道澆磯水不澆夫人遺恨溢江湖何緣道士傳妖妄寶帳珠

簾媚老蠓入蜀記蠓磯在大江中政和中賜名甯淵觀舊說蠓澆以磯在水中常為水沃也今北已近岸不在江中矣余兒時聞道士妄傳孫夫人靈異好事者爭以鏡匳牀幄奉之一日道

士晨起拂被有大蛇騰去自後靈異遂絕

蠓磯下院甯淵觀門對中江萬里潮誰是梅仙泊舟處浦魚洲

鵲觀頭橋梅都官離蕪湖至觀頭橋詩江口泊來久菰蒲長舊苗爭離洲鵲門遺子浦魚跳陸放翁入蜀記蠓磯政

和中腸額甯淵觀是也觀橋反在觀後去江二里許矣

瀕河甯淵觀是也觀橋反在觀後去江二里許矣

磯頭祠宇煥蒼厓楹帖相傳句最佳一自梅梁承 賜額不須

金字覓詩牌蟻磯祀靈澤夫人有集唐楹帖云思親淚落吳江吟望帝魂歸蜀道難為世所稱嘉慶元年巡撫朱

石君師請於朝得賜英靈惠濟四字額懸於廟亭林集蟻磯詩高皇事業山河在留得奎章墨未枯自注廟中有高皇帝御製詩金字牌一扇

今不知遺失何處矣

巖夫名附明詩綜尺木詩因畫不傳誰識谷音柯退子魯明江

上有遺篇湯燕生號巖夫太平縣人流寓蕪湖有商歌集今不傳蕭所著有易存杜律細皆收入四庫全書存目詩

集數卷向藏蕪湖沈氏子今不知所在谷音瑞陽柯茂謙著有魯港詩退子其字也

吳姬水調改新腔西舫東船月滿窗我昨維舟魯港驛但沽雪

酒西舫無人語可惜窗中明月光雪西舫無人語可惜窗中明月光雪

船西舫無人語可惜窗中明月光雪

石碓河通魯港河宛陵人趁夜航多分明事出桓彝傳不合疑

他字畫譌晉書桓彝傳彝為宣城內史蘇峻之亂彝遣將軍朱綽討賊別帥於蕪湖彝尋出石碓類篇石部有碓文

注石碗江名在宛陵西按今蕪湖縣南三十五里有石碗河源

出南陵通魯港河出江徽甯行人多自此趁夜航船是時峻山

歷陽陷姑熟葬遺將帥蕪湖已由宣城出石碗則據上游也至

今人呼石碗悉與桓傳合國朝田山薑古歆堂詩集有由石

磧抵黃湓詩碗作磧王光祿鳴盛廿一史商摧按晉書注碗

一作頭元板又作跪皆不知類篇有碗文而晉書未嘗誤也

梅築園鄰癭日亭城根無復舊柴荆栽花種藥知何處虎帳龍

媒屬老兵癭日亭在城東今為蕪采營火藥局蕭尺木移居詩

後為鎮兵是據遂毀精舍為園樞丁亥秋始得攜兒子擔書筒

幕機葺垣畧蔽風雨而家焉老病風前猶種藥傷心雨後亦栽

花移居句也梅築尺木園名梅欄詩話題癭

日亭詩虎帳覺來驚日墮龍媒嘶去逐星流

殉城共說王經歷殺賊偏聞周廣文更有浮橋葛文學不知何

處哭孤墳王如春字開熙石人渡人為時名彥任金華府經歷

泗字孔來南鄉鳳翎圩人任涇縣教官乙酉城陷手刃十數人

効於明倫堂十日後猶堅持利刃不釋即葬於涇葛文學天裔

字仍氏乙酉冬衣冠投浮橋下曰吾將從靈均游矣若此骨復

得則居心不淨一說逆水而上為漁人所救隱廬山為僧皆見

蕭尺木

詩集中

平拖大小褐山青松竹陰中八角亭好軸吳裝橫看子阿誰依

樣畫圖經

入蜀記便風過大小褐山今謠四合山松竹陰中孤

識舟亭俗呼八角亭四朝開見錄蕪湖圖經韓杲卿所撰

三春桃柳九秋蓮消受風恬月澹天我昨肩輿堤上過風流誰

繼長官賢

陶塘堤徑園幾十里向爲水齧至躡樹根而行陳明府募工築之種以桃柳芙蓉

桑棗園丁游白下葉山樵者滯明湖何人再拓一弓地畫社重

邀九友俱

桑棗園丁邵士燮自號葉山樵者金鐸自號鏡湖畫社今歸陳明府別業曩與邵士燮友園士鈐東田七

鎧鐵君士昆劍門施道光杲亭金鐸振之程澂靜江馬雋千之何棖雲浦暨余兄裳補之課畫於此今東田杲亭下世而余九

人者又聚散不常殊可嘆也

鞍背船僂遠近游幾時眞箇閉門休卜鄰王翰如同願水閣三

閒亦易求

王翰謂王澤子卿也與余比鄰居皆苦湫隘